

玉河漫錄
全



Le pontre

玉河漫錄

凡人所當深戒者私行道路之間慎勿禁騎馬人可也且於私家切勿打人或結縛人可也昔年吾為江原亞使時見之有一士人乃名官子弟而適下鄉出郊其洞內一常漢乘醉騎馬而過前使其奴捉來則其人詬辱萬端其士人不勝其一時之憤暫為打下而去未久其常漢適自斃其族屬呈官以殺獄論之其士人囚繫幾十年受刑亦累十次而其時監司守令仍彼邊上言以獄不嚴相繼坐罷其士人雖以勢家子弟僅

得生活而亦幸免也可不戒哉

昔年聞有一南方守令使其年少之子出學於外處
還歸之際逢一騎馬常漢欲禁之則言語極不順其
衛童不勝其忿捉其人縛其手結其頭髮於所騎馬
後仍馳數里其常漢即氣塞而斃其衛童以殺獄
論斬竟未免刑死為守令子弟者尤可戒也

吾按嶺東時有一守令子弟亦仍犯馬殺人之事因
繫累相幾至難赦畢竟雖仍其獄情不明僅得生

活而其間許多困辱之狀有難盡言亦可鑒也

昔年聞有一長者路逢騎馬者其奴欲曳下之際
嚴禁其奴止之而過行未及數里其常漢所騎
之馬當橋足蹶自墜橋下其漢折項而斃其長者
倘或不禁其奴任其曳下橫逢其漢之斃則幾不
殆哉此亦可鑒者也

余按湖西時公州地有一武人家甚富仍徵捧租
石諸青隣里常漢暫曳其頭髮而遣其漢十日

內適得病而斃乃以殺獄發狀其武人竟死於獄
而其時太守乘時仍奪其家產云仍一石之租竟喪
其千金之軀財利之害乃至於此況私門打傷人物
尤所當深戒處也

余任清風時官糴分給之際戶主十人日晚後始
來逢點保後於他人始惡其頑習而更觀其人
則病瘥之甚者也他戶主之晚到者則皆杖之而
其漢則不杖不杖而亦不推責只附過而已其夜

其漢不病即斃。倘或於其日暫施罪罰。則幾不免
殺人之名。豈不矍然耶。以此推之。則世間橫罹殺獄
者。類多如是。可不戒哉。

李曾以一時名士。潛害訟者。被極刑而死。士夫聞
皆羞之。而其後詳聞其李情。則非有意殺之也。使
其頑奴招來其相訟之人。則其人不肯來。其奴相詰
亂打。仍致殞命之後。欲秘其迹。授其尸於江中。竟
致發覺。無以自明。死於杖下。始招訟者。固其罪也。而

及其奴打殺之後曾也。若縛其奴送于刑部則庶幾
免死而不此之思仍與其奴潛謀莊死其處事昏
錯直乎殺其身敗其家也。

前主簿尹偉殺其有子息婢夫事覺被囚幾死
僅免絕塞充軍。雖自己婢僕不告官打殺則尚有
徒年之律。況婢夫乎。世人言有子息婢夫雖擅殺
無罪云者極可笑也。

小兒輩慎勿佩刀。或勿與佩刀者遊戲可也。清州

申易簡者始以奇童稱之適與洞內小兒輩同遊
仍有爭誥之事。扶其佩刀擬之。際其見觸刃即
死。申也即在命隱匿。雖免刑戮。而平生畏約束
免為天地間窮人。此誠鑒戒處也。

為士者與雜類交接甚不可也。去夏有數三儒生
出接於燕喜宮近處。做會試工夫。而其中一人飲
酒醉臥。仍斃其本家。以同接殺害葬狀。其士輩
皆囚繫被刑。此亦可鑑處也。

余於少時與友人出接西郊。基一時有李有林
者頗有能詩名。一日適來願同接。余觀其為人
輕薄不心。且隣有黃姓。忘其名素昧平生者。願來同
做工。余觀其為人。玄而詭。皆心色待之不許。其同
接矣。其人輩頗有愠色而歸。絕不再來。同坐中
友生言於余曰。何待人太薄耶。余荅曰。古語不云
乎。不若之人。如避蛇蝎。豈可以其人稍有詩才而親
近其人耶。聽之者。或以余言為太過矣。未久。其兩

人皆以謀逆被誅。援引黨類之際。其與之平日交遊者。被禍甚多。吾之言果驗矣。其時聽吾言者。頗以余有知人之鑑云。此則余非敢以能知人自許也。大槩取友之道。必擇端心之士可也。

余少時。隣有奇震。震奇震興兄弟。乃奇監司協之子也。藉其父兄之勢。尚氣凌人。驕侈無比。余嘗薄其為人。一日往金昌君家。則兩奇適來到。暫時起去。後金爺問於余曰。公以此兩人為如何人。耶。余荅曰。

才士也金爺曰才則才矣必非佞士非但不能享
福恐其不能令終云云余或疑其言之太過矣其
後震慶則年未三十餘歲而秩官不過別坐且
無子震興則雖登第而諂附賊點結為心腹以京
圻水使罹於賊點逆獄被極刑而死全昌之言果
驗矣震慶雖得令終而無子且秩豈可謂享福
耶福
天安有朴自韓者余自少知其面目而每疑其人
之不善終也渠與渠隣人爭數畝之田展轉為仇

讐被為甚因嫌告訐以豪強因繫京獄者累朝
自韓不勝其忿指喉他人証告其隣人之謀遂以
為陰中之計而覓空事覺反坐被極刑而死仍藉
沒其家產始爭些少田土竟致滅亡之禍如此輩固
不足掛齒牙間而其因些少忿爭展轉作禍亦可
為貪利忘身者之戒也

高官美爵最為陷身之危機昏朝時李爾瞻韓
鑽男等一時擔當擔當廢大妃之論以為專寵之

計竟致合門誅戮其餘如李偉卿徐國禎韓正
國兄弟鄭造尹訥之輩皆以其黨類共被誅身
滅門之禍其一時風附拘拘者之併首就戮幾至
數百餘人而不可盡數也

凡博奕雙陸等雜技男子固不可好著而婦人尤
所當深戒也頃年竹州地有一年少宦婦與夫家
後姪常對著雙陸遂致陰奸及其事覺男女乃
逃走不知其去處四隣聞之者莫不痛駭禮男女

受授不親之訓。蓋所以設防禁。如許事也。聖賢防微之意。吁其至矣。

凡為人子孫者。葬其親之際。全昧風水之術。而惑地師誑誕之說。或拘於山運過期不葬。或為姑息之計。草率權葬。仍致積年未葬者。比有之。或圖覲告地。傾家產而買之。至於強爭相訟之地。身著縗衣。出入官庭。恬然不恥者。亦多有之。設或所覲者吉地。而如是為且。面覲萬無吉應之理。況其吉凶與否。地理

茫昧誰得而知之地家書有說曰古人達吉地且曰
陰地好不如心地好只須修德積善則自然天佑神
助雖偶然而得而必得好地矣苟使人力而強為占
則名公巨卿家必代得吉地而終不能得之一時地
師輩其亦稱譽者未必為福地據此可知矣且惑於
地術頻數遷葬者有之此尤甚不可也神道以靜為
重其輕易遷動已非孝子安奉之道況其所遷之地
其能愈於舊地亦何可知之也昔年天安地有文官

李郁事宗彥遷其父墓之後其兩子諸孫三年內
皆死終為無後之人此尤鑒戒處也

中庸曰其默之以容此說可以為持身第一方凡居
臺閣言路者當其可言之時含默為容固為可羞如
不在其任者必位論事甚不可也金監司弘郁率
爾陳一疏墮命杖下豈非浪死耶至於士人則尤不當
戒姊兄趙時養以追崇求安之意援禮投疏見忤於
二祖朝終身坎坷從兄掌令亦於辭職疏中多有觸

所之言其時三司合落至以按律論落踰月禍
將不測而幸賴相位吳允謙救解得免重律被謫恩
津數年雖得蒙赦而終未得更通仕路此皆鑑戒
處也且妄論人是非及朝廷得失甚不可仍此
被禍者泊有之可不戒哉居鄉論守令政治亦非
謹慎之道古語曰多仍些少口頭語等閒做出老
大事此言實格言也

洪東萊柱一只有子而其名則洪萬英者偶傳柳

承旨道三醉中妄發之言於朋輩間而嶺南文臣
徐忬者藉此言告褒仍起遂獄。雖徐忬竟以誣
告反坐。然洪之子則死於杖下。朋友間言語不可不
慎。此可驗矣。

凡出行之際。深水薄冰。慎勿輕涉可也。妄信奴僕之
言。率爾輕涉。喪軀殞命者。陷。有之。吾見多矣。不
能盡記。荒年夜行。^店逢盜之患。亦不可不慮。古人行路
詩有曰。日暮先投宿。鷄鳴更看天。當橋須下馬。

有路莫乘船。此賈格言。書紳勿忘可也。且宿於富
人之家。及有仇人。或有叛奴者之家。極可怕。清州醫官
李光俊者。上年適往宿於朴察訪廷隣家。火賊夜
入。斫殺廷隣之際。李光俊亦一時被害。如許枉被橫
禍者。殆多矣。可不戒哉。吾常於行路。或投宿於
鄉族及相知人之家。則必借其奴子家而宿焉。有意
存焉耳。但常溪之家。只有一戶之家。則慎勿止宿
可也。若有火患。或他意外之變。則恐難出避。必擇

有前後戶牖之家而宿之可也且於行路酒幕投
宿之際切勿入於各邑有物卜賦所入之近處可也
昔年黃峭文以漳陽府使到陰川酒幕將達此
患僅以身免此外橫遭如許之患者不可勝記可
不戒哉

家在大川邊或江邊因漁獵喪軀者多矣昔年
金判書時讓爺家在忠江其妻子十四歲兒乘
小艇釣魚而將值風起舟傾而死目前見之而未及

救懷德鄭生宗遠只有子而亦乘漁舟仍致陷
溺且吾於兒時聞外祖母之言則同生甥之子一人
少時出浮灘地名江邊坐而釣魚而時值大水之餘
所坐之岸忽然崩頽仍致溺死且黃弟後石適
出乘醉還家之際夜踏薄冰死於非命文義吳
姓人親自搜蟹於水邊為大蛇所噬即隕命如許
事皆所鑑戒者也

乘舟渡江之際慎勿爭入可也或乘卜重之舟仍致

敗沒者。有之不能盡記。且風勢不順之日。雖漢江船亦勿渡。涉可也。覆沒之患。極可怕也。

猝然腹痛。或肚腹牽引。或寒戰頭痛之際。或妄飲熱湯及酒。或覆厚衾卧溫房。甚不可為。或霍亂則頃刻間殞命。可怕。頃者。丁獻納。彥璧。李持平。光稷。皆暫患。皆腹痛。飲燒酒一盃。仍致即死。此可鑑戒處也。

古人作字。各有其義。危字。厄字。死字。色。危字。皆

相似則危酒女色之危蓋可想矣

順治庚子^{王考}文貞公以副使赴燕留玉河館之

日有此漫錄所錄皆戒慎之語切實懇勤無
非垂訓於後孫者也嗚呼文貞公平生操身
如臨深履薄執玉奉盈少時氣質清羸
如不勝衣見者不啻以遐筭期之而位躋一
品壽登八耋好德考終近代所罕此實由於
敬謹戒懼以致遐福是一編亦可以徵之矣

凡為我子孫者宜入書一帙終身奉行者也
錄在行程錄之後紙弊墨渝恐致泯滅謹使
儻見移寫一通錄中雜以俚語信筆直寫未
嘗雕琢字句尤可以警動愚暗後孫之睹識
文字者皆可以領解也

時戊子二月二十三日孫世晃謹識





